

大寶積經卷第十三

師三

西晉月氏三藏竺法護譯

密跡金剛力士會第三之六

於是密跡金剛力士所願已備得受佛決所望已畢欣然大悅又手白佛言唯佛大聖就我曠野之界鬼王國土在密跡宮舍七日受

仲辨

請諸菩薩等及大聲聞唯見垂愍顧意不忽當於佛所在於曠野鬼王土地在於鄙舍垂意小食化鬼神衆妖魅反足之物捷沓和摩休勒及餘所居衆生見如來尊聽聞斯經法長夜安隱無有衆患一定無難便當棄捐瞋恚毒害無懷逆心其四天王一切眷屬遊在

聖莊嚴宮殿欲行天人色行天人得未曾有十方世界諸菩薩等皆當歡喜心自念言吾憶識念往故一時夜懷志願所尊道法不可思議今亦當然即時三昧正受宣不可限彼時高座無央數億百千兆載師子衆座自然普現以寶作腳及奇珍欄楯以百千天衣而布其上清淨妙華真珠纓絡在八交道以寶蓮華覆蓋其上適三昧正受東方去是江河沙佛國有世界名無量寶德淨佛號淨王當致彼淨王如來所莊嚴淨師子之座欲授萬菩薩決其佛國土所見嚴淨越無央數諸天人民所有嚴淨我今寧可往彼佛土莊嚴高座尔時密跡力士以淨寶王三昧正受適三昧已自然莊嚴現好高座高廣好淨如無量寶德淨佛土師子高座等無有異忽然以至時密跡見佛嘿然以受其請歡喜踊躍稽首佛足右遶三匝禮退而去忽然不現還曠野高曠長東西二千四百八十里南北千二百八十里紺琉璃水精碑礎爲地吉祥藏寶無國因歸其宮時密跡力士心自念言當爲大

量名香雜香熏之豎立無數衆寶香爐燒殊妙香散諸天華若干品物極好巍巍光色煥暉可悅人心安和其身從心應時行菩薩法不失其節功勲無際所歎妙德而無涯底又其高座所化自然有億百千垓不可計數諸師子座以寶爲腳寶爲欄楯無數天衣而布

師三

二

其上諸寶蓮華淨珠校露立八交道以用衆寶而布其上建在地上一切普具於時密跡力士如是比像不可思議設諸高座高廣嚴淨殊特無量師子之座安然庠序從三昧起即於宿夜設若干種甘餚飲食遵奉菩薩和調性行興發如來報應之果衆供已辦夜未

向明告四天王諸人當知世尊今日詣我宮食請竟七日諸菩薩衆及諸聲聞皆當來集仁等恭恪設無放逸大聖難遇億世時有咸皆一心捨俗慕道恭恪奉事除去生死弘慈至道時亦難遭法不可聞三界無怙唯道可恃普如虛空無所復礙勿懷亂心爲放逸行

眷屬徒使妻子僕從供養七日勿倚身心唯道爲本莫順他業捐違道教專精一心供養如來常當下意加敬無二令其曠野鬼神之處王者土地鬼神妖魅反足諸鬼捷胥和等皆歸命佛密議道法其四天王及餘衆生皆不失時普蒙濟度諸仁當了已請天尊稽首不失時普蒙濟度諸仁當了已請天尊稽首

歸命供養佛已勤聽經典宣布八方使一切蒙益乃報佛恩尔時密跡力士有一太子名曰密兵而告之曰汝往遍令地神及虛空神告四天王忉利天焰天兜率天無憍慢天他化自在天上至魔天各令使知世尊今日在於曠野鬼王土界受密跡金剛力士請於宮

師三

三

舍當就飲食菩薩聲聞亦復同然若欲見佛聽聞道教咸皆往至太子金剛兵受教宣命須臾令遍其第二子名曰善分而告之曰子汝今自往已力神足告諸梵天梵迦夷天梵滿天梵度著天大梵天有光天少光天無量光天光音天清淨天少淨天無量淨天淨難

遠天淨離穢天順行天少順行天無量行天
行果實天亦然天於是天善願天善現天至
一善天悉遍命之今日出尊遊於曠野鬼王
國土密跡金剛力士宮舍就請諸人欲見悉
共往會善分受教宣令如是湏臾之頃欲行
天人色行天人皆兵集會在於虛空縱廣四
萬里上下俱然亦四萬里周遍諸天各次第
坐於是密跡金剛力士莊嚴場地供膳辦已
又手向佛所在遙啓白言今時已到願佛大
聖垂光迴意而說頌曰

丈夫尊雄屈 人中上願顧 蓮華正士發
大聖人時到 兩足尊枉神 天人聖祠祀

人中尊屈意 聖明時以至 戒如蓮華盛
精進轉增長 覆護上慚愧 最勝唯願意
建立於聖諦 慈哀加弘恩 無我無所施
最勝師子顧 戒行博聞業 茂盛覺意華
解脫具足實 殊勝樹願來 功勲海唯枉
其意深且廣 清水定爲意 燥盛精進業

奉哀道場業 智慧纓絡嚴 明本慧開覺
聖達降慈顧 第一明無動 以藥樹療病
學不學盛明 最勝唯屈神

於是世尊見密跡金剛力士白時已到告諸
比丘皆早嚴服著衣持鉢并勑護寺密跡金
剛力士來啓時到各自建行七日就請其諸
聲聞衆菩薩等若得神足以己神力往追侍
佛其無神足入如來光承其威明佛愍念之
皆得往就於時世尊適發進路諸菩薩等皆
前而導諸聲聞衆在後侍從諸天龍神華香
妓樂在虛空侍諸天玉女而嗟歎佛因說頌曰
歡喜發光明 妇樂自然鳴 震動佛刹土

師三

四

天雨於衆華 佛之大威德 神足度無極
聖變化無限 娛樂佛無底 佛吉祥無際
佛神聖無量 佛威儀無底 佛功德無限
遊靈鷲之山 在於八山中 於上虛空中
無礙如鷹王

於時欲行天人色行天人見佛世尊從虛空

來猶如日光現於水中如月盛滿衆星獨明
猶若天帝諸天中尊若如梵王照乎衆會見
是變化大悅欣然雨天青紅黃白若干諸雜
蓮華供養散佛意華大意華柔軟華大柔軟
華晝夜樹華有果大寶及諸轉輪王離垢之
華百葉千葉又百千葉樂歡喜生味興起光
照一切香華善妙香常熏香烏虛延香常有
華樂眼目樂如是衆華興雲致雨雨衆雜香
鼓天妓樂諸天玉女眷屬百千人時湏臾至
於曠野鬼王國土毗沙門天王界在其宮殿
一切聲聞諸菩薩衆眷屬圍遶佛適下住地
大震動光照十方安和柔軟不燒衆生時四
天主見佛世尊到大曠野鬼王之國速疾速
疾與其宮人及諸眷屬華香雜香澤香繒綵
幢蓋妓樂行列吹具各持此供往詣佛所稽
首佛足遶佛三匝却住一面以持所齋供散
佛上見佛大悅心中欣然供散佛已却住一
面叉手自歸尔時世尊因四天王應病隨時

頒宣經法萬三千鬼神妖魅厭鬼之屬皆發
無上正真道意一萬玉女亦復發是無上大
意時密跡力士與宮人姝女諸子眷屬華香
雜香擣香幢蓋妓樂從其宮中詣毗沙門天
王宮舍至世尊所稽首佛足右遶七匝各從
所執皆供散佛上毗沙門天王宮中次第而
坐鼓衆妓樂自入清淨心無所著所將侍從
各自就座如來高座獨顯巍巍清淨妙極密
跡諸子舉所莊嚴校露之帳師子高座從虛
空下安著乎地寂然不動諸菩薩衆及諸聲
聞故坐本位時欲行天人色行天人覩其設
座高廣嚴好得未曾有怪之難及心自念言
密跡力士何所得覩斯寶高廣師子之座玄
妙無極殊特難喻於時承佛威神於虛空中
自然聞音仁欲知者東方去是界分過恒河
沙諸佛國土有世界名無限淨佛號淨王如
來至真等正覺密跡金剛力士曾見其土微
妙嚴淨今以法故遣此殊妙巍巍高座時佛

適入上處師子高廣之座應時曠野鬼王國
土鬼神妖魅反足之鬼捷沓和迦樓羅真陀
羅摩休勒往詣佛所稽首足下退住一面又
手歸佛爾時密跡金剛力士語四天王及諸
來會諸賢屈意咸共和心飲食已辦各手斟
酌勤供養佛菩薩聖衆所以者何如佛所說

若能歡悅佐助興功供養蒙祐得福無量於
本施主其福不減諸仁者等以是勸助佐其
所施得受功作不可限量於是密跡金剛力
士與其宮人婢女一切諸子及諸眷屬手自
斟酌百種餚饍不可計味心佐開士求如來
福供養大聖加謙恪心佛及菩薩諸聲聞衆
皆悉充滿飲食畢訖行澡水竟密跡金剛力
士更取小牀於佛前坐白卅尊曰唯加弘慈
應時演法宣入法門使衆生類於道心無
所從生其未發心興斯道心已發道心至不
退轉令此鬼神妖魅捷沓和等長夜永安使
無衆患多所安和多所愍傷諸天及人三界

師三

六

衆生得殊特願與世超絕尔時世尊告密跡
金剛力士及諸大會諦聽諦聽善思念之若
族姓子族姓女行入法門堅住於斯至殊特
願無所分別不至損耗密跡力士與諸大眾
受教而聽佛告密跡力士若族姓子及族姓
女當奉篤信善從道法多諸順宜欲見賢聖

樂聽於法心不慳嫉不縮財業舒手布施捨
俗所習好所施福不望其報心不懷害其志
清淨專精一心而不暴亂信報應果好善真
業不以狐疑未曾猶豫覩清白理知不亡果
寧失身命不犯非義仁慈不殺不與不取不
爲邪淫不犯妄言兩舌惡口綺語嫉妬恚癡
不犯十惡身行十善亦勸人行常奉等信見
諸沙門奉戒具法勤精修行志存思道常應
義節寂然調和心存惔怕受無所著不受邪
語志性仁慈棄捐惡法行不卒暴明如炬火
不愚如狩言無所毀心性平和絕却睡眠棄
捨突心捐其重擔數數惠施見諸善友一切

諸佛及佛弟子常行恭恪如是比像常追侍從沙門梵志謙下作禮習與相隨不失其意常奉斯等諸善知識以受樂故加用法施救濟危厄以頒宣法而勸化人演所報應施致大富持戒生天博聞大智修行合道各爲說報布施大財慳貪餓鬼持戒忍辱精進一心

師三

七

智慧稍入道元犯戒地獄瞋恚醜陋懈怠廢道亂意墮罪患癡投冥是爲由身由言由意惡行之報是身口意善惡之果犯是三事長夜不安投於地獄餓鬼畜生護斯三業生天人間十方佛前長夜永安無有衆患各爲開示罪福之報善惡所趣若見應器爲演深法空無相願行無所行至無所至無我無人無壽無命分別幽奧十二緣起若倚是事便有生矣若不倚是則無有生從是致是不從不致從無明致行從行致識從識致名色從名色致六入從六入致更從更致痛從痛致愛從愛致取從取致有從有致生從生致老死

從老死合大苦陰成四大身癡滅無行行滅無識識滅無名色名色滅無六入六入滅無更滅無痛痛滅無愛愛滅無取取滅無有有滅無生生滅無老病死大苦陰合不受四大則常永安長無衆患以滅盡者則無所有所以者何起是生是無是則無猶如種樹始生芽根莖節枝葉華實拔樹無芽何從有是莖節枝葉華實解無無明心無所著則無牽連十二緣起皆從緣對無緣無對一切三界皆悉本無悉從無生從有而死不達無故謂有致生不知有空倚是我故便致死矣解無不生了有不死爲罪所追塵勞所逮顛倒苦惱癡冥不實爲宣真諦應其儀節所觀如法而於諸法無所造作不得所造則不有退亦不無退不有往來周旋之難假使意法意無所著信受本空一切諸本悉淨惔怕置是人者若菩薩大士常得見佛未曾遠離不失聞法不違聖衆在在所生常見諸佛雖有所生不

生無佛之土生以見佛行無放逸慕求真正
精進之法勤修此已不用家業善奉淨行不
用妻子男女奴婢僕使守護宅舍速疾持法
無以戲逸自恣愛欲諸佛世尊所施言教以
篤信故捨家爲道信捨家已爲善親友真正
伴侣以受真業性行微妙聞玄妙法以行爲

師三

八

要不歸嚴飾覺意第一而不厭足求於博聞
如所聞法廣爲人說無異養心不以己言有
所依仰講說經典從所聞慧因其行住而爲
人說使聽法者興隆大慈而於衆生發無盡
哀以致博聞無所愛惜不貪身命少欲少求
而知止足以善重業至快供養好樂閑居專

師三

九

精守節從所聞法觀其義趣自歸正義思惟
奉行不歸嚴飾其所導御天上世間不但爲
己而有所行爲衆生故求上大乘至慕佛道
自在之乘成無放逸何謂無放逸以達境界
眼不見色不受妄想不著文飾了色之難雖
以慕樂便捨之逝曉之本無若耳聞聲鼻香

衆想舌嗜美味身更心法亦復如是所言無
逸己心無生護他人心棄愛欲樂入於法樂
不愛欲想無瞋恚想及危害想無貪瞋恚愚
癡之業無是惡本身不行惡口不說非心不
行穢不爲反念不犯一切諸不善法是曰無
放逸以無放逸常應節行曉了有無知無無
有彼何謂有何謂無行平等者有賢聖脫修
邪行者無賢聖脫又次亦有罪福之報或有
無罪福之報或有眼或無眼或耳鼻舌身或
有意或無意又能了色無常苦空別離之法
是謂名有志學於道計色有常長在永立無
別離法以無平等住有是念故有痛想行識

滅度若普入寂至於空無計吾我人貪身壽命不至道慧是爲人者應順時儀佛言若族姓子族姓女修普明智或致所知若在於世若無於世普智計斯不有所知彼有天食而無所著若無天食亦無所著一切如來皆以敷演入於順義一切諸法如來明證下四法施何謂爲四一曰一切萬物皆歸無常二曰一切諸有悉爲苦毒三曰一切諸法皆無有我四曰一切有形悉至於空無爲泥洹寂所以言曰一切萬物皆歸無常衆生愚惑自想有常如來說法斷諸計常一切所有悉爲苦毒衆生閻塞計想有樂故爲說法斷除諸樂

未曾違失一切諸行道品之法以無相行普周備悉諸佛道法三十七品於時世尊在密跡金剛力士宮殿應病演法尋時彼會二萬天人皆發無上正真道意不可計人悉受五戒爾時四天王前白佛言唯哀愍說我等云何護於世間佛告四天王仁等宜以當行十法護於衆生何謂爲十一曰不害一切命類二曰不竊取他財寶三曰不犯他人妻室四曰不兩舌闖亂於人五曰不妄言欺詐於人六曰不惡口以辭傷人七曰一切所說未曾綺飾八曰不懷嫉妬生彼此心九曰在於善惡業不發瞋恚十曰常修正見不隨邪疑是

師三

十

爲十諸仁者等以是十事護於世間乃應法教佛復告四天王又諸仁者復有八法護於天下何謂爲八一曰言行相應未曾相違二曰奉敬尊長不懷輕慢三曰言辭柔軟不宣麤曠四曰謙下恭順常執遜意五曰常行質朴不爲諛謟六曰常修仁和而無伎飾七曰

一切諸惡悉無所犯八曰以諸德本將順世間是爲八佛告四天王復有六事護於天下何謂爲六一曰身常行慈不害衆生二曰口宣仁慈不演惡言三曰意念慈心不施增損四曰以得利養等御於業五曰等護禁戒而無所犯六曰等以正見開導曲戾是爲六佛告四天王復有四事常爲法首護於世間何謂爲四一曰有所立行未曾貪嫉二曰不懷瞋恚加害於人三曰不用愚冥蔽加不逮四曰所行至處不懷恐懼是爲四事佛告四天王復有二事以用護法世間人民何謂爲二一曰慚耻從無數劫不應道法二曰懷愧自

師三

士

貢不深入法救護一切是爲二佛言諸仁當行是法以護天下以能建立如是法行乃能護世間尔時密跡金剛力士以寶校露用貢覆佛復白佛言菩薩云何無瞋恚法至於無上正真之道佛言族姓子菩薩有十事行無瞋恚法至無上正真之道何謂爲十一曰常行慈心不犯傷害二曰不獸衆難常修大哀三曰所作事業常勤精進而有殊特四曰常奉空行逮致三昧五曰從因緣發入於智慧六曰以權方便普入一切七曰解達三世淨過去來今八曰以真諦見無所罣礙九曰遵奉道業入一切法十曰一切諸法皆悉歸空是爲十密跡金剛力士復白佛言菩薩有幾法聞佛不可思議法不以恐懼佛言族姓子菩薩有八法聞佛不可思議心無恐懼何謂爲八一曰所造功德常能究竟二曰一心禪思暢達不亂三曰以爲善友而見將順四曰心常篤信樂微妙法五曰以解諸法悉如幻

化六曰曉一切法不可思議七曰而了諸法不可成就措入虛空八曰暢一切法誰惑放逸虛僞之相是爲八密跡金剛力士復白佛言何謂菩薩而得自在於一切業開士之法佛言菩薩有四事法而得自在何謂爲四一曰蓮行如幻三昧暢一切法入五神通而特超越二曰以三脫門過於四禪三曰以智度無極修四梵行四曰行權方便具六度無極是爲四密跡金剛力士復白佛言菩薩有幾法入於法門佛言族姓子菩薩有四事法門於法門何謂爲四一曰入禪思門具足曉了一切衆生根本二曰入智慧門分別一切章句義理爲衆敷演三曰入揔持門一切所執常念不忘四曰入辯才門因能可悅諸衆生心是爲四密跡金剛力士復白佛言菩薩爲有幾力致開士行又斯道力無能當者降伏衆魔佛言族姓子菩薩有八力莫能當者降伏衆魔何謂爲八一曰道心之力性行清淨

二曰精進行力而不退轉三曰博聞行力奉無極慧四曰忍辱行力護衆生故五曰無所生力不懷瞋恚六曰不虛妄力具足解脫七曰修道行力備悉智慧八曰以大哀力開化衆生是爲八佛說是法時密跡金剛力士及五百子悉逮得無所從生法忍以得法忍前白佛言惟願大聖以是八法經典之要使流天下用愍我等是密跡宮使自然廣以是德本光明普照如來滅已令遍流布而不沒盡於時世尊覩密跡諸子等心中所念勸助啓佛佛告密跡金剛力士密跡堪任斯諸章句我詣佛樹下汝於彼時與諸菩薩魔將兵來卿以威勢至擁護我故降魔兵即時想念諷誦通利今復當護將來末世令法流布遍闡浮利周於十方令所施教使法久存持制一切諸外異學於時密跡金剛力士觀佛世尊以見勸告即從座起長跪叉手應時於是言辭章句用宣呢曰

醯犁 休留休留 其強麁聚 各羅眼動
搖歸救 忍力力盡 寂怕作角鷄伊犁住
兵怯犁 法犁

護無擇

住勝生往還無曲以慈受之調和成施持已
諸天龍告鬼神捷皆和妖魅若人非人常吉安

師三

士

隱動於山王亦震大地亦擾水王用說此呪
故攝伏外道法君所救晃曜法炎篤信是句
聞此呪已諸天衆各各舉聲而歎曰
正法住甚久 動三千佛土 一切衆會同
自投人王前 歸命使無罪 施此無恐難
其特是言教 令正法永存

尔時世尊從曠野鬼王土密跡金剛力士宮
受供七日開化無數衆生七日之中忽沒曠
野宮踊在虛空與諸菩薩及聲聞衆一切諸
天於上普共供養佛及聖衆諸王女衆咸共
咨嗟演大光明諸天人妓百種自鳴空中雨
華佛土大動顯佛大變佛沒密跡力士宮殿

猶鳳凰王還住靈鷲山佛在靈鷲山與比丘
衆俱及諸菩薩眷屬周旋各思道教尔時王
阿闍世出羅閱祇大城與篤信慕樂長者梵
志俱一國人民聞佛還國各集晡時亦出其
城往詣靈鷲山到佛所稽首佛足右遙七市
却住一面王前白佛我曾立坐有所叅議時
諸比丘到太子所口自宣言今日世尊往到
曠野鬼王土界詣密跡金剛力士舍食唯然
世尊我得聞是怪之難及至未曾有諸佛世
尊不可思議乃能大哀垂愍衆生如來行慈
普濟衆生猶如虛空言無偏獨周一切故往
到曠野鬼王土界就密跡金剛力士舍食佛

大弘志至不可喻無辭可盡若有得蒙如來
講法宣傳道訓決疑之律靡不得安又復世
尊其密跡力士爲有幾事在於平等而逮正
覺最爲至重植衆德本乃能有是妙大辯才
佛言大王是事究竟而不可逮其至德本無
能過上王白佛言實爲至真種其德本故獲

此果若有信者其功德云何佛言大王假使十方各如恒河沙數一一沙尚可知限密跡金剛力士所見諸佛不可計數盡其涯際供養奉事緣是行故今積大辯當作是觀皆有本末說曰佛告王曰乃往過去無央數劫不可限量尔時有佛號曰息意如來至真等正

師三

古

覺明行成爲善逝世間解無上士道法御天人師號佛出尊世界曰選主劫名不移其息意佛純化一切諸菩薩衆皆令精進言作菩薩法無懈怠心無厭倦棄身壽命不以爲恪唯志道法時有菩薩名曰勇力即從座起往詣息意佛所稽首足下前白佛言如大聖宣

師三

古

觀如是菩薩則爲墮落以無行墮失如來行於諸衆生則有疊咎何謂菩薩而不順行樂於聲聞緣覺地者自觀其行欲化衆生是故名曰無開士行其行聲聞無菩薩行所以者何諸聲聞行畏生死苦菩薩遊於無量生死不以爲拘時息意如來讚勇力菩薩曰善哉

我承解議若有菩薩心自念言我當疾逮無上正真之道爲最正覺念是菩薩名曰懈怠所以者何若菩薩不用精進厭患生死不興此心成佛大道若有菩薩見生死難則見縛結不至滅度唯化衆生乃成正覺所以者何唯然世尊菩薩之法普行勤修在在生死常

善哉正士仁快說此教言義淳淑菩薩行道捨身之安不捨他人常省己身不求他漏又問何謂菩薩所行佛言族姓子自正己行而爲衆生宣成敗事生死之難受於無量生死之患而無恐畏不樂聲聞緣覺之地習菩薩行不近禪思在於三界曉了禪定分別惡趣

習乎方便盡了禪智功德聖慧而不可盡發無生慧爲人頌宣一切本無慧無所生知其所受了諸衆生而無吾我以慧開化一切衆生曉諸法寂解護諸法暢諸佛土了於一切自然虛空佛國清淨其慧鮮明以慧聖達一切法無增益相好入於莊嚴慧無所行因其

奉遵一切德本未曾忘捨少惱渺事有爲衆生所可造作常行拔難身心惔怕積功累法無所穢厭興發禪思曉了長寂正定一心方便覺達深妙之法若以宣布若干品教分別諸觀護於德果開化聲聞緣覺之律愛樂如來所解脫業降菩薩行示現如來所行之本

是爲族姓子如來所行之業王當知之爾時勇力菩薩於彼如來所聞說是法所行清淨復白彼佛甚難世尊至未曾有於今如來至真之言宣斯菩薩之所應行又復世尊如佛所說我察解議善權方便是諸菩薩一切諸法由己所行猶如世尊察於虛空舍受一切

十方萬物爲一切色顯現己體不可稱計現包一切有形之類虛空行業已無所礙如是世尊善權方便是諸菩薩在一切法而得自在諸學之法及未學法凡夫之法最正覺法皆悉由之猶如世尊若火所遇草木百穀靡不被燒菩薩如是於一切法自在所行以智

慧燄燒諸愚冥三界無烟猶如世尊大怒丈夫瞋恚熾盛逆害他人無所顧難菩薩如是以權方便自在由己智度無極斷除一切衆生塵勞猶如世尊清水寶珠著濁水中尋時清徹菩薩如是以權方便消一切塵三垢穢濁猶如世尊有大威藥名曰消除若著毒中

師三十六

消一切毒求無有餘菩薩如是以權方便遊於一切三界之難執權智業滅去衆生塵勞愛欲以是之故世尊當作斯觀善權方便是諸菩薩一切諸法自在已行如是大王勇力菩薩說是語時不可計人皆發無上正真道意王欲知之爾時勇力菩薩豈異人乎莫造

斯觀所以者何則今密跡金剛力士身是也此正士身堅強精進被弘誓德無極大鎧巍巍如是供養諸佛不可稱限光光若斯無以爲喻爾時阿闍世王心自念言是密跡金剛力士所執金剛爲重幾所以承大力謂應執持乎時密跡金剛力士知王阿闍世心之所

念以持金剛下著地上適置地上三千大千世界六反震動密跡金剛力士謂王阿闍世王試舉此時阿闍世王以大力士力盡勢舉之而不能搖離地如毛髮時王怪之得未曾有前白佛言我身世尊有大力士被極異鎧牽捉大象舉鼻投身在所無礙今日舉此小

金剛杵不能動移大如毛髮時王阿闍世益用懷疑何故世尊乃如是乎佛言大王是金剛者入在重德不可用被鎧力及象力而舉移此也爾時密跡謂天帝釋仁者名號執持金剛拘翼今日仁者且從地舉此金剛杵時天帝釋以無限神力極闡神足欲舉其金剛

十一

云何湏彌山王爲重不乎白言甚重世尊不可計喻佛言拘翼假有勇士大神無極取是金剛右手執持以是金剛著湏彌山邊藏之在中纔現形耳俱舉二形湏彌山王尚復微輕不如金剛重若天帝釋密跡金剛力士以是金剛擊鐵圍山大鐵圍山及金剛山今碎如塵雖爾正士未盡現力不可喻極

師三

大寶積經卷第十三

了不能舉爾時天帝釋前白佛言吾等之身及諸天俱與阿湏輪闍以一手指舉維質阿湏輪所在投之如一圓丸皆令奔馳不知所湏又是金剛其形小小而不能動乎佛言拘翼是金剛者入在重德不可以比阿湏輪三百三十六萬里身在所可投於拘翼心所知